

Genfersee

Seniore Wanderig, Donnstig der 25. April 2019

Es chlyses Tschüpeli wanderfröidegi Seniore si dä Morge guet glunet mit eim Zug gäge Biel u wyter nach Morges gfahre. Es isch e schöni u ruhegi Fahrt gsi. Z' Morges si mir vom Bahnhof am See entgäge glüfe, e vielzahl vo Tulpe isch der erscht ldruck gsi. Z'erscht hei mir aber no üses obligatä Gafe u Gipfeli gnossä. Zrug im wunderschöne Tulpepark am See hei mir 1 Stund Zyt gha, die Blueme eso richtig z'gniessä, die verschiedenä Farbe, Forme, gfüllte, eifache, grosse u chline. Nach dere stündige Tulpepracht hei mir üs uf üsi Wanderig gmacht. Mir si ufem Sentier de Truite am Genfersee nah glüfe, hei derzue d'Bärgä, der See u d'Sunne gnossä. Am Flüssli «Le Boiron» nah si mir is Landesinnere gwanderet gäng ufem Sentier de Truite. Dürne schöne Frühligswald, chly ueche, chly ache, über Brüggli, am Bächli nah, begleitet vo Vögeligezwitscher. Bimne Bänkli u Brunne hei mir üses wohlverdientä Picknick gässä. Am früeche Nachmittag si mir im schöne chlyne Stedtli St. Prex diräkt am Genfersee a cho. Ufeme Terrässli hei mir agstossä, natürlich mit chüehlem St.Prex Wysswy, uf diä wunderschöni, guet organisierti Wanderig.

Härzliche Danke Erika, isch herrlich u z'friede gsi.

Marianne